

ЎЗБЕКИСТОН РЕСПУБЛИКАСИ ИНТЕЛЛЕКТУАЛ МУЛК
АГЕНТЛИГИ БОШ ДИРЕКТОРИНИНГ
БУЙРУҒИ

489 Товар белгиси ва хизмат кўрсатиш белгисини рўйхатдан ўтказиш учун талабнома тузиш, топшириш ва кўриб чиқиш қоидаларига ўзгартириш ва қўшимчалар киритиш тўғрисида

*Ўзбекистон Республикаси Адлия вазирлиги томонидан 2013 йил
12 сентябрда рўйхатдан ўтказилди, рўйхат рақами 1988-2*

Ўзбекистон Республикаси Вазирлар Маҳкамасининг 2011 йил 8 июндаги 166-сон «Ўзбекистон Республикаси Интеллектуал мулк агентлиги фаолиятини ташкил этиш чора-тадбирлари тўғрисида»ги қарорига (Ўзбекистон Республикаси қонун ҳужжатлари тўплами, 2011 й., 22-23-сон, 236-модда) мувофиқ **буюраман:**

1. Ўзбекистон Республикаси Давлат патент идораси директорининг 2009 йил 24 июндаги 72-сон буйруғи (рўйхат рақами 1988, 2009 йил 29 июль)

Ўзбекистон Республикаси қонун ҳужжатлари тўплами, 2013 й.

(Ўзбекистон Республикаси қонун ҳужжатлари тўплами, 2009 й., 30-31-сон, 353-модда) билан тасдиқланган Товар белгиси ва хизмат кўрсатиш белгисини рўйхатдан ўтказиш учун талабнома тузиш, топшириш ва кўриб чиқиш қоидаларига иловага мувофиқ ўзгартириш ва қўшимчалар киритилсин.

2. Мазкур буйруқ расмий эълон қилинган кундан эътиборан кучга киради.

Бош директор в. б.

З. ГИЯСОВ

Тошкент ш.,
2013 йил 8 август,
107-сон

Ўзбекистон Республикаси
Интеллектуал мулк агентлиги
бош директорининг 2013 йил 8 августдаги
107-сон буйруғига
ИЛОВА

Товар белгиси ва хизмат кўрсатиш белгисини рўйхатдан ўтказиш учун талабнома тузиш, топшириш ва кўриб чиқиш қоидаларига киритилаётган ўзгартириш ва қўшимчалар

1. 75-банд қуйидаги мазмундаги хатбоши билан тўлдирилсин:
«Талабномага патент божи тўланганлигини тасдиқловчи ҳужжат илова қилинмаган тақдирда, у рўйхатга олинмайди ва топширган шахсга қайтариб юборилади.».
2. 79-банднинг иккинчи хатбошиси қуйидаги таҳрирда баён этилсин:
«Талабнома берувчига сўровнома юборилган ҳолда расмий экспертизани ўтказиш муддати тўхтатиб турилади.».
3. 80-банднинг «з» кичик банди қуйидаги таҳрирда баён этилсин:
«з) товар белгисини рўйхатдан ўтказишда ТХХКнинг бир синфи учун патент божини белгиланган миқдорга мувофиқлиги;».
4. 81-банд қуйидаги таҳрирда баён этилсин:
«81. Товар белгисини рўйхатдан ўтказиш учун талабнома берилган сана мазкур талабнома Агентликка келиб тушган санага қараб белгиланади.».
5. 82-банд ўз кучини йўқотган деб ҳисоблансин.
6. 84-банднинг иккинчи ва учинчи хатбошилари қуйидаги таҳрирда баён этилсин:
«Агар талабнома берувчи томонидан патент божи давлат экспертизасини ўтказиш учун белгиланган миқдордан кам миқдорда тўланган тақдирда, давлат экспертизасини ўтказиш талабномада биринчи бўлиб кўрсатилган ва патент божи етарли миқдорда тўланган ТХХКнинг синфларига нисбатан белгини рўйхатдан ўтказиш учун амалга оширилади.

Талабнома берувчи Агентлик томонидан етишмаётган патент божини қўшимча равишда тўланиши тўғрисида билдиришнома юборилган санадан бошлаб уч ой мобайнида зарур суммани тўлаш ҳуқуқига эга.»

7. 85-банд қуйидаги мазмундаги хатбоши билан тўлдирилсин:

«Бунда патент вакилига берилган ишончнома юзасидан юборилган сўровномага жавоб, талабнома Агентликка келиб тушган кундан эътиборан икки ой муддат ичида тақдим этилиши лозим.»

8. 86-банд қуйидаги таҳрирда баён этилсин:

«86. Тақдим этилган ҳужжатлар Қоидаларнинг 12 — 26 ва 29-бандларидаги талабларни бузган ҳолда расмийлаштирилганлиги ҳамда 80-бандида назарда тутилган ҳужжатлар ва маълумотларнинг мавжуд эмаслиги расмий экспертиза босқичида сўровнома юбориш учун асос бўлади.»

9. 95-банд қуйидаги мазмундаги хатбоши билан тўлдирилсин:

«Талабнома берувчига сўровнома юборилган ҳолда талабномада кўрсатилган белгини экспертизадан ўтказиш муддати тўхтатиб турилади.»

10. 97-бандда:

биринчи хатбоши қуйидаги таҳрирда баён этилсин:

«Товар белгисининг устуворлиги товар белгисини рўйхатдан ўтказиш учун Агентликка талабнома берилган санага қараб белгиланади.»

иккинчи хатбоши чиқариб ташлансин.

учинчи хатбоши иккинчи хатбоши деб ҳисоблансин.

11. 115-банддаги «а» кичик банд қуйидаги таҳрирда баён этилсин:

«а) Қоидаларнинг 8 — 11, 27 ва 28-бандларида кўрсатилган ҳужжатларни тақдим этиш зарурлиги;»